



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Conciliorvm Omnivm Generalivm Et Provincialivm Collectio Regia**

Ab anno DCXLIX. ad annum DCLXXVI.

**Parisiis, 1644**

Capitvla.

**urn:nbn:de:hbz:466:1-15300**

ab apostolica sede destinatus Dorouernensis ecclesiæ episcopus, & confacerdos ac frater noster reuerendissimus Bisi orientalium Anglorum episcopus, quibus etiam frater & confacerdos noster Vvilfridus Nordanhumborum gentis episcopus per proprios legatarios adfuit. Adfuerunt & fratres & confacerdotes nostri Putta episcopus castelli Cantuariorum, quod dicitur Rothschester, Lutherius episcopus occidentalium Saxonum, Vinfridus episcopus prouinciæ Merciorum. Cumque in vnum conuenientes iuxta ordinem quique suum resedissemus :

Decreta & Canones sanctorum patrum ab omnibus tenenda suscipiuntur.

Rogo, inquam, dilectissimi fratres, propter timorem & amorem Redemptoris nostri, vt in commune omnes pro nostra fide tractemus, vt quæque decreta ac diffinita sunt a sanctis ac probabilibus patribus, incorrupte ab omnibus nobis seruentur. Hæc & alia quamplura, quæ ad caritatem pertinebant, vnitatemque ecclesiæ conseruandam profecutus sum. Cumque expleissem prolocutionem, interrogauim vnumquemque eorum per ordinem, si consentirent ea quæ a patribus canonicè sunt antiquitus decreta custodire. Ad quod omnes confacerdotes nostri respondentes dixerunt: Optime omnibus placet, quæque definierunt sanctorum Canones patrum, nos quoque omnes alacri animo libentissime seruare. Quibus statim protuli eundem librum Canonum, & ex eodem libro decem capitula, quæ per loca notaueram: quia maxime nobis necessaria sciebam, illis coram ostendi, & vt hæc diligentius ab omnibus susciperentur rogaui.

## C A P I T V L A.

### I.

De pascha.

Vt sanctum diem paschæ in commune omnes seruemus dominica post decimam quartam lunam primi mensis.

### II.

De episcopis.

Vt nullus episcoporum parochiam alterius inuadat, sed contentus sit gubernatione creditæ sibi plebis.

### III.

De monasteriis.

Vt quæque monasteria Deo consecrata nulli



episcoporum liceat ea in aliquo inquietare, nec quidquam de eorum rebus violenter abstrahere.

IV.

Vt episcopi monachi non migrent de loco ad locum, hoc est, de monasterio ad monasterium, nisi per dimissionem proprii abbatis, sed in ea permanent obedientia, quam tempore suæ conuersionis promiserunt.

De monachis episcopis.

V.

Vt nullus clericorum relinquens proprium episcopum, passim quolibet discurrat, neque alicubi veniens absque commendatitiis literis sui præsulis suscipiatur. Quod si semel susceptus est, & noluit inuitatus redire, & susceptor, & is qui susceptus est excommunicationi subiacebit.

De clericis.

VI.

Vt episcopi atque clerici peregrini contenti sint hospitalitatis munere oblato, nullique eorum liceat vllum officium sacerdotale absque permisso episcopi, in cuius parochia esse cognoscitur, agere.

De episcopis & clericis peregrinis.

VII.

Vt bis in anno Synodus congregetur: sed quia diuersæ causæ impediunt, placuit omnibus in commune, vt Kalendis Augusti in loco qui appellatur Clfeshooh semel in anno congregetur.

Synodi bis in anno.

VIII.

Vt nullus episcoporum se præferat alteri per ambitionem, sed omnes agnoscant tempus & ordinem consecrationis suæ.

Episcoporum locus.

IX.

In commune tractatum est, vt plures episcopi

Episcoporum numerus.

R r r iij



crescente numero fidelium auferentur, sed de hac re ad presens filemus.

ANNO  
CHRISTI  
673.

## X.

De coniu-  
gio.

Pro coniugiis, vt nulli liceat nisi legitimum habere connubium. Nullus incestum faciat, nullus coniugem propriam, nisi, vt sanctum euangelium docet, fornicationis causa relinquat. Quod si quisquam propriam expulerit coniugem legitimo sibi matrimonio coniunctam, si Christianus esse recte voluerit, nulli alteri copuletur; sed ita permaneat, aut propria reconcilietur coniugi.

Subscri-  
ptiones, &  
datum.

His itaque capitulis in commune tractatis ac diffinitis, vt nullum deinceps ab aliquo nostrum oriatur contentions scandalum, aut alia præ aliis diuulgarentur, placuit vt quæque diffinita sunt, vnusquisque nostrum manus propria subscriptione confirmaret. Quam sententiam diffinitionis nostræ Titillo notario scribendam dictaui, actum in mense & indictione supra scriptis. Quisquis igitur contra hanc sententiam iuxta decreta Canonum, nostra etiam consensione ac subscriptione manus nostræ confirmatam, quoquo modo venire, eamque infringere tentauerit, nouerit se ab omni officio sacerdotali & nostra societate separatum. Diuina vos gratia in vnitate sanctæ ecclesiæ suæ viuentes custodiat incolumes.

Pœna in  
violatores.

Innocētius  
papa in epi-  
stola ad Pe-  
trum Com-  
postellanū  
vocat vn-  
decimum  
Toletanum  
Concil. au-  
thenticum.

## CONCILIVM TOLETANVM XI.

ANNO  
CHRISTI  
675.

NOVEM ET DECEM EPISCOPORVM,

IN QVO SEDIVM EPISCOPALIVM DIVISIO facta est, anno quarto \* Vvambani regis, vii. Idus \* Bambræ Nouembris, anno Redemptoris nostri DCLXXV. tempore Adeodati papæ. Est prouinciale.

## TITVLI CAPITVLORVM.

- I. Ne tumultu Concilium agitetur. *confinitimorum instructione cessare.*
- II. Non debere metropolitanum a